



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 2 23 0000172255



14/02/2023

სსიპ - იაკობ გოგებაშვილის სახელობის თელავის სახელმწიფო უნივერსიტეტის
"ლინგვისტიკის" სამაგისტრო საგანმანათლებლო პროგრამისთვის აკრედიტაციის მინიჭების
თაობაზე

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ.

1.3. „აკრედიტაციის დებულების“ 27 -ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. აკრედიტაციის დებულების 27-ე მუხლის მე-7 პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2022 წლის 13 დეკემბრის №1599577 წერილით (ცენტრში რეგისტრაციის - №1600751) წერილებით წარმოდგენილ სსიპ - იაკობ გოგებაშვილის სახელობის თელავის სახელმწიფო უნივერსიტეტის „ქართული ფილოლოგიის“ საბაკალავრო საგანმანათლებლო პროგრამის აკრედიტაციის თაობაზე.

2.2. ცენტრის დირექტორის 2022 წლის 14 დეკემბრის № 1608018 ბრძანების საფუძველზე, სსიპ - იაკობ გოგებაშვილის სახელობის თელავის სახელმწიფო უნივერსიტეტი ცნობილ იქნა აკრედიტაციის მაძიებლად. ცენტრის 2022 წლის 21 დეკემბრის №1638917 ბრძანებების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი „ქართული ფილოლოგიის“ საბაკალავრო საგანმანათლებლო პროგრამის შეფასების მიზნით განახორციელა 2022 წლის 27 და 28 დეკემბერს. 2023 წლის 31 იანვარს კი, ექსპერტთა ჯგუფმა წარმოადგინა აკრედიტაციის ექსპერტთა დასკვნა, რომლის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა				
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	●			
3. სტუდენტთა მიღწევები, მათთან ინდივიდუალური მუშაობა	●			
4. სწავლების რესურსებით უზრუნველყოფა				
5. სწავლების ხარისხის				

განვითარების შესაძლებლობები	•			
-----------------------------	---	--	--	--

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 08 თებერვალს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარეების ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა დასკვნაში დაფიქსირებული შეფასება. კერძოდ, 4.2 და 4.4 კომპონენტები ნაცვლად „მეტწილად შესაბამისია მოთხოვნებთან“, შეფასდა, როგორც „შესაბამისია მოთხოვნებთან“, რის შედეგადაც მეოთხე სტანდარტი ნაცვლად „მეტწილად შესაბამისია მოთხოვნებთან“, შეფასდა, როგორც „შესაბამისია მოთხოვნებთან“.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ მუხლის პირველი პუნქტის „ბ“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის № 223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად 11 ხმით არცერთის წინააღმდეგ,

გადაწყვიტა:

1. დაკმაყოფილდეს სსიპ - იაკობ გოგებაშვილის სახელობის თელავის სახელმწიფო მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "ლინგვისტიკის" სამაგისტრო საგანმანათლებლო პროგრამას მიენიჭოს აკრედიტაცია 7 წლის ვადით, 1 წლის თავზე ანგარიშის წარმოდგენის პირობით.
2. ცნობილ იქნას აკრედიტაციის ექსპერტთა ჯგუფის დასკვნა "ლინგვისტიკის" სამაგისტრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი № 2).
3. ცნობილ იქნას საბჭოს 2023 წლის 14 თებერვლის სხდომის №172216 ოქმის №04 ნაწილი ამ გადაწყვეტილების განუყოფელ ნაწილად (დანართი № 3).
4. დაწესებულებას შესასრულებლად განესაზღვრა შემდეგი რეკომენდაციები:

რეკომენდაციები:

4.1 ლინგვისტიკის სამაგისტრო პროგრამის სწავლის შედეგების მისაღწევად რეკომენდებულია პროგრამაში თეორიული და შედარებითი ლინგვისტიკის დარგების - ფონეტიკაფონოლოგიისა და სემანტიკის სწავლების გაძლიერება სათანადო სასწავლო კურსებში;

4.2 სამაგისტრო საგანმანათლებლო პროგრამის ცალკეული სასწავლო კურსებით (ტიპოლოგიური ლინგვისტიკის აქტუალური პრობლემები, ლინგვოსტილისტიკა) გათვალისწინებული საათები ცალკეული თემებისათვის აღნიშნული დარგების შესაბამისი მეცნიერული ცოდნის გადასაცემად არასაკმარისია;

4.3 სასწავლო კურსებში შეივსოს შინაარსის ასათვისებლად საჭირო ლიტერატურა მაგალითად, სოციოლინგვისტიკაში: ზ. კიკვიძე, სოციოლინგვისტიკური ნარკვევები. თბილისი: თსუ გამომცემლობა, 2015. თ. ბოლქვაძე, ქართული ნაციონალური იდენტობის წრთობა და ილიას „ივერია“, თბილისი: გამომცემლობა „უნივერსალი“, 2011. თ. კილურაძე, ენობრივი პოლიტიკა მრავალენოვან სახელმწიფოში: მრავალენოვანი კონცეფცია უცხო ენების დიდაქტიკაში, თბილისი, 2010. ლინგვისტურ მოძღვრებათა ისტორიაში: თ. ბოლქვაძე, საბჭოთა ენათმეცნიერების ქართული სამკუთხედი, გამომცემლობა „უნივერსალი, 2018;

4.4 გასწორდეს ტექნიკური შეუსაბამობები: ლინგვოკულტუროლოგიის სასწავლო კურსის სილაბუსში ერთ-ერთი თემის - ლინგვოკულტუროლოგიური სჯანი (სამეტყველო ეტიკეტის საკითხები) - ლიტერატურად დასახელებულია: დემეტრაძე, ი.(2015): ზოგი რამ ცემინებასა და ხველასთან დაკავშირებული სამეტყველო ეტიკეტის შესახებ: საენათმეცნიერო საუბრები, 38; გვ.44-51, რომელიც არ არის სავალდებულო ლიტერატურის ნუსხაში;

4.5 რეკომენდებულია, ფილოლოგიის კლასტერში გაერთიანებული პროგრამების სტრუქტურაში აისახოს დარგისათვის მნიშვნელოვანი სასწავლო კურსები;

4.6 რეკომენდებულია, მეტი ყურადღება მიექცეს საკვალიფიკაციო ნაშრომების დაგეგმვას, განხორციელებასა და შესრულების ტექნიკურ მხარეს. ყურადღება მიექცეს ციტირების წესებს და ყველა გამოყენებული წყარო დამოწმებული იყოს შესაბამისი სამეცნიერო სტილის საგანმანათლებლო პროგრამებისთვის;

4.7 გამოყენებით როგორც ნაშრომის ძირითად ტექსტში, ისე - ბიბლიოგრაფიაში. გამოირიცხოს საკვალიფიკაციო ნაშრომებში არავალიდური/არაკადემიური/არარელევანტური წყაროების გამოყენება, ამასთან, შენარჩუნებული იყოს სამეცნიერო ენა და სტილი ნაშრომის შესრულებისას;

4.8 რეკომენდებულია, ყოველი ძირითადი სასწავლო კურსის ბოლოს სტუდენტებმა კითხვარების მეშვეობით ან სხვა გზით შეაფასონ სასწავლო კურსი, ხოლო შეფასების პროცესის ადმინისტრირება, შეფასების შედეგების ანალიზი და მათზე რეაგირება სავალდებულო წესით უზრუნველყოს ხარისხის უზრუნველყოფის სამსახურმა. ამასთან, მიზანშეწონილია სტუდენტები აფასებდნენ საბაკალავრო ნაშრომის ხელმძღვანელობის განხორციელებას სპეციალური კითხვარით/არსებულ კითხვარში სპეციფიკური კითხვების ინტეგრირებით.

რჩევები:

4.9 ლინგვისტიკის პროგრამის ფარგლებში გათვალისწინებული ლინგვისტური ცოდნის სრულყოფისათვის მნიშვნელოვანი იქნებოდა დამწერლობის ტიპოლოგიის/დამწერლობათმცოდნეობის კურსის გათვალისწინება, რომლის ფარგლებშიც მაგისტრანტები მიიღებდნენ ინფორმაციას წერიტი სისტემების, დამწერლობის განსხვავებული ტიპების შესახებ, რაც მათ მისცემდა ანბანური სისტემების ტიპოლოგიურ მახასიათებლების, უძველესი დამწერლობების დეკოდირების შესაძლებლობების შესახებ ცოდნას;

4.10 ლინგვისტიკის სამაგისტრო პროგრამის ფარგლებში გათვალისწინებული ლინგვისტური ცოდნის სრულყოფისათვის სასურველია დამწერლობის ტიპოლოგიის/დამწერლობათმცოდნეობის კურსის გათვალისწინება, რომლის ფარგლებშიც მაგისტრანტები მიიღებდნენ ინფორმაციას წერიტი სისტემების, დამწერლობის განსხვავებული ტიპების შესახებ, რაც მათ მისცემდა ანბანური სისტემების ტიპოლოგიურ მახასიათებლების, უძველესი დამწერლობების დეკოდირების შესაძლებლობების შესახებ ცოდნას;

4.11 სასურველია, სილაბუსებში გამოყენებული იყოს ლიტერატურის მითითების ერთგვარი წესი;

4.12 სასურველია, პერსონალის შეფასების სისტემა, მათ შორის სამეცნიერო პროდუქტიულობის შეფასების სისტემა, საჯაროდ ხელმისაწვდომი იყოს დაინტერესებული პირებისთვის

4.13 სასურველია, სასწავლო კურსების სილაბუსებში მითითებული რაც შეიძლება მეტი სასწავლო მასალა, წიგნი და სახელმძღვანელო გაციფრულდეს და ხელმისაწვდომი გახდეს სტუდენტებისთვის ონლაინ.

4.14 სასურველია ქართული ფილოლოგიის საბაკალავრო პროგრამაში პრაქტიკის გაძლიერება ექსპედიციების, სასწავლო და კვლევითი კომპონენტების საშუალებით დაიხვეწოს პრაქტიკული კომპონენტით გათვალისწინებული აქტივობების შეფასების წესით რათა უზრუნველყოფილი იქნას სხვადასხვა სირთულის კომპონენტებისთვის (მაგალითად, დისკუსია, პრეზენტაცია, რეფერატი) ადეკვატური (სხადასხვაგვარი) ხვედრითი წილის მინიჭება და კონკრეტული სასწავლო კურსების სპეციფიკასთან მისადაგება.

5. საბჭოს აღნიშნული გადაწყვეტილება ძალაში შევიდეს 2023 წლის 08 თებერვალს.


6. რეკომენდაციების შესრულების თაობაზე ანგარიშის წარმოდგენის ვადად განისაზღვროს 1 წელი - 2024 წლის თებერვალი.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის II შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის
საბჭო
საბჭოს თავმჯდომარე
ბუჩაშვილი გოდერძი



საგანმანათლებლო პროგრამების
აკრედიტაციის საბჭო
საბჭოს მდივანი
ტეფნაძე დავით



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება ¹	ლინგვისტიკა Linguistics
2	ერთობლივი უმაღლესი საგანმანათლებლო პროგრამა	-
3	სტატუსი ²	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	საგანმანათლებლო პროგრამების აკრედიტაციის საბჭოს გადაწყვეტილება : № 303, 02.08. 2012 წ
5	ხელახალი აკრედიტაციის შემთხვევაში საგანმანათლებლო პროგრამის წინადასახელება ³	ტიპოლოგიური ლინგვისტიკა და მთარგმნელობითი საქმე Typological Linguistics and Translation
6	უმაღლესი განათლების საფეხური ⁴	მაგისტრატურა
7	დაშვების წინაპირობები	-
8	კვალიფიკაციის დონე ⁵	მეშვიდე
9	კვალიფიკაციის დასახელება	ფილოლოგიის მაგისტრი Master of Philology
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით ⁶	-
11	დეტალური სფეროს დასახელება და კოდი (ISCED – F – 2013)	ლიტერატურა და ლინგვისტიკა 0232
12	სწავლების ენა	ქართული
13	ECTS კრედიტების ჯამური რაოდენობა	120
14	განხორციელების ადგილი ⁸	(ქართული უნივერსიტეტის ქ N1. ქალაქი თელავი, უნივერსიტეტის პირველი კორპუსი, ჰუმანიტარულ მეცნიერებათა ფაკულტეტი; 2200, საქართველო)
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	2023 წლის 08 თებერვალი
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	2024 წლის 08 თებერვალი
18	აკრედიტაციის ვადის გასვლის თარიღი	2030 წლის 08 თებერვალი